

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

Váthuat níz in Wirthshaus, er mag nöt viel trinká,
 Er ziagt á nöt um bei dá Nacht, was má kennt.
 Nan, wann halt á Haohzát is heim Wirth drent,
 Aft bitt er ön Vadán gern um á paar Gulden,
 Er müahzás in Wirthshaus drent sínsten anschulden,
 Er hat ja koan Lahn nöt, um als muaz er kemma.
 U mein, er thuats eh gar nöt z'stark z'leihá nehmá,
 Nan, dá Bua hat grathen, da derf má weit fragn,
 Dös oangi Kind á nu, da derfts von Glück sagn.
 Á so á Kind is wohl ön Herrgott sein Sögn,
 Als Vadá und Muadá rádeans derentwögn,
 Denn só habntn glernt dá¹⁾ und só habntn zogn,
 Sö haben das jung Bäumerl i d' Heh á so bogn.
 Dá Vadá, sein Löbtá á fleißigá Mann,
 Do iaz wird er stádá²⁾ schan, weil er nöt kann.
 Kann guat und kann harb sein er, wia man halt macht,
 Án Ordnung muaz sein da heim Tag, bei dá Nacht.
 Und wann wen was gschafft wird, so muaz dös gehn gern,
 Koan' Stritt und koan' Scheltárá derf má nöt hern.
 Án iads friagt sein Sachá, á so will ers haben,
 Und beten tháns á mitánand alle z'samm.
 Denn wann, sagt er, s' Haus auf den drobn vágißt,
 Aft woaz más á so schan, dáh s' Glend einfrist.³⁾
 In Nebrigen lögt er si nöt gar z'stark z' Felden,⁴⁾
 Er laft halt sein' Weib gern das Mehráne gelten.
 Und wir da dá Vadá, so denkt d' Muadá á:
 Wann nettá á kócká Diskur in Haus wár,
 Dös Gspoazmacha da bei dö lódigná Leut,
 Sie mags nöt, án Eicht⁴⁾ is's schen, nachá gehts z' weit.
 Ös geht eahn níz a, finán eh aufglögt sein,
 Abá muathwilligs Zeug, da schreit sie glei drein.
 Und da bei ihrn Suhn gar, da tháts erst afechten,⁵⁾
 Nan, da hätt ja nu sie das mehráne Rechten.
 Ös wird ihr halt á schan stark allweil das Kochá,
 Sie gspüráts schan glei iaz vo Wocha zu Wochá,
 Ös sollt halt á Baurin á junge sollts sein.
 Ja hau, wögni was föllts enf denn koane nöt ein?
 Ös wurden weng Baurn sein da umá in Hei,
 Ganz weng, dö eahn Tochtá nöt hergáben glei.
 Ja, wahr is's, dá Vadá hat eh á schan grödt,
 Abá sie halt, sein Muadá, sie will halt nu nöt.

¹⁾ gelehrt. ²⁾ langsamer. ³⁾ kümmert sich nicht sehr. ⁴⁾ eine Weile. ⁵⁾ heftig zanken.